

թուրն ու պատյանը՝ խաշած: Միաժամանակ արձակում էին հարսանեկան մորթած եզան արյան մեջ թաթախած և կապած հանգուցը, բացում էին կողպեքը, պատյանի միջից հանում էին դաշույնի դանակը, արձակում էին գրպանի դանակի բերանը: Այս ամենը լավ սրբում էին:

Ձուլգը իրավունք էր ստանում առագաստ մտնելու: Անկողինը ձգում էր հարսնէֆնը. մտը դնում էր հավ, գինի, քաղցրեղեն, մեղր: Սովորաբար կուտոթյան ապացուցը պահանջվում էր, բայց ոչ միշտ, մանավանդ փոքրահասակներից: Քավօրն ու հարսնախալեր այդ գիշեր մնում էին⁴⁹: Հենց որ իմացվում էր, որ տղան աղջկանը տիրացել ւ, քավօրը քրքիֆանգր՝ հրացանը տրաքեցնում էր, հավ էր մորթում և արյունոտած նշանավ ուղարկում զոքանչին, որպես պարգև նշան: Ձոքանչն էլ մեկ-երկու հավ էր մորթում և փլավի գլխին դրած՝ ուղարկում: Կապանում իբրև ապացույց, որ աղջիկը կույս էր, առավոտյան պարանին կախում էին արյունոտ սավանը ի տես ամենքի: Սկսվում էր նոր քեֆ: Այստեղ վերջացնում էին նախորդ իրիկուն հավաքած խօնչաները: Խաշախալերն էլ գնում էր տուն: Առագաստի մյուս օրը տղան մնում էր տանը, ոչ ոքի աչքերին չէր երևում:

Ամեն կերպ ձգտում էին հարսանիքն անցկացնել ուրախ: Այստեղ այն նախնական մտայնությունն էր հանդես գալիս, որի համաձայն սկզբնավորությունով⁵⁰ պայմանավորվում էր նույնանման շարունակությունը: Ուրախ հարսանիքը գրավական էր, որ նոր զուգի ապագան էլ կանցնի ուրախ և կյանքն՝ անփորձանք:

Նույն մտայնությունով էր թելադրված այն սովորությունը, որը շաղկապված էր նորապսակ աղջկա առաջին աշխատանքային օրվա հետ նույն ընտանիքում: Որպեսզի հարսը միշտ լավ տանտիկնություն անող լինի, բացի բեղմնավորությամբ օժտված լինելուց, ունենա նաև ժիր, աչքաբաց, անխոնջ տրտեսուհու ունակություններ, նա իր նոր կյանքը պիտի սկսեր նույնպես ժիր աշխատանքով—վաղ վեր կենար, տունը ավելի և աղբը մի անկյունում հավաքեք, մուտքից հեռու: Զանգեղուրի հարսանեկան սովորությունները նկարագրողներից մեկը՝ Ն. Մելիք-Շահնազարյանը⁵¹, այդ բանը բացատրում է նրանով, որ «նորահարսը դրանով հեռացնում էր իրանից աղքատությունն ու ճանապարհ էր մաքրում հարստության համար, որը պիտի տուն մտնի մաքուր դռներով»: Ավելի ճիշտ է բացատրում նույնը Գ. Ֆ. Չուրխինը⁵², որպես մի մոգական արարողություն, որով սկիզբ էր դրվում նման ժիր տնային աշխատանքներին: Հավաքած աղբի վրա հարսը դնում էր իր չմօշկը, որի մեջ սկսուորը ձգում էր մի քանի կոպեկ, և միայն այնուհետև հարսը հանում էր աղբը դուրս և դեն թափում:

Տնային աշխատանքների ապագա հաջողության սկիզբն էր տրվում և այն բանով, որ նորահարսը վաղ-վաղ ջուր էր տաքացնում և բոլոր տնեցիների, սկսած մեծերից մինչև ամենակրտսեր տեգրը, ոտներն էր լվանում, ամեն կերպ զգուշանալով նախ ձախը և ապա աջը լվանալուց, չլինի՝ թե դրանով սկիզբ դրած լինի ապագա ձախորդություններին:

Նոր ամուսնացածները պիտի քառունի⁵³ պահեին: Նրանք իրավունք չու-

⁴⁹ Գորխս:

⁵⁰ Տե՛ս վարը՝ «Մազիկ միջոցներ» գլուխը:

⁵¹ Արծվանիկի պետական դպրոցի վարիչը: СМОМПК, вып. XIX, отд. II, էջ 223

⁵² Նշված աշխ., էջ 240:

⁵³ Մեղրու բարբառով՝ քրա՛սուօնի: